

**KEMENTERIAN DALAM NEGERI
POLIS DIRAJA MALAYSIA, JABATAN PENJARA
MALAYSIA, JABATAN IMIGRESEN MALAYSIA,
JABATAN SUKARELAWAN MALAYSIA, AGENSI
PENGUATKUASAAN MARITIM MALAYSIA DAN
EASTERN SABAH SECURITY COMMAND
PENGURUSAN DAN KAWAL SELIA SENJATA API
JABATAN DAN AGENSI DI BAWAH KEMENTERIAN
DALAM NEGERI**

Perkara Utama

**Apa yang
diaudit?**

- Senjata api bermaksud apa-apa jenis senjata maut berlaras termasuk senjata yang direka bentuk atau disesuaikan untuk melepaskan sesuatu letusan, peluru atau lain-lain bedilan darinya.
- Bahagian Keselamatan, Kementerian Dalam Negeri (KDN) dipertanggungjawabkan untuk memastikan pemilikan senjata api dipantau, dikawal dan dibimbing mengikut undang-undang dari aspek penggunaan, penyimpanan dan keselamatan.
- Pengauditan meliputi dua bidang utama Audit iaitu prestasi aktiviti dan pengurusan aktiviti kawal selia senjata api jabatan dan agensi di bawah KDN bagi tempoh tahun 2019 hingga 2022. Prestasi aktiviti dinilai berdasarkan pencapaian output dan pencapaian keberhasilan. Prestasi output dinilai berdasarkan sukatan senjata api dan amunisi (peluru dan bahan letupan), permohonan baharu dan pembaharuan lesen A dan permit C&U senjata api serta penguatkuasaan dan pemeriksaan oleh PDRM. Pencapaian keberhasilan dinilai berdasarkan penyelesaian siasatan kes jenayah melibatkan senjata api dan kawalan terhadap penggunaan senjata api. Pengurusan aktiviti pula meliputi dua perkara utama iaitu perolehan serta penyimpanan dan pelupusan senjata api.

**Mengapa
ia penting
untuk
diaudit?**

- Untuk menilai sama ada sama ada pengurusan dan kawal selia senjata api di bawah KDN telah dilaksanakan dengan berhemat, cekap dan berkesan untuk memastikan pemilikan senjata api dipantau, dikawal dan dibimbing mengikut undang-undang dari aspek penggunaan, penyimpanan dan keselamatan.

Rumusan Secara keseluruhannya, pengurusan dan kawal selia senjata api jabatan dan agensi di bawah KDN adalah kurang memuaskan. Terdapat kelemahan dalam penyediaan dasar berkenaan sukatan senjata api dan amunisi serta berlaku kes kehilangan senjata api milik jabatan dan agensi di bawah KDN. Selain itu, berlaku kelemahan tindakan penguatkuasaan Akta Senjata 1960 bagi pembaharuan lesen senjata api yang boleh menjejaskan kawalan senjata api oleh PDRM. Perolehan senjata api yang tidak diuruskan dengan cekap menyebabkan kerugian kepada Kerajaan dianggarkan berjumlah RM6.34 juta dan kelemahan pengurusan pelupusan senjata api boleh menimbulkan risiko keselamatan.

BIL.	ISU YANG DIBANGKITKAN	KESAN	LANGKAH PENYELESAIAN
1.	Berlaku kes kehilangan senjata api milik Jabatan dan Agensi di bawah KDN.	Menjejaskan keselamatan dan kesiapsiagaan senjata api.	Tindakan tegas kepada pegawai sekiranya didapati berlaku kecuai.
2.	25 individu/syarikat memegang senjata api walaupun lesen senjata api tidak diperbaharui.	Penggunaan senjata api secara tidak sah.	Mengeluarkan surat peringatan dengan segera dan mengambil tindakan merampas senjata api sekiranya pemilik tidak memperbaharui lesen selepas peringatan dikeluarkan.
3.	Senjata api dianggarkan bernilai RM6.34 juta masih belum dibekalkan walaupun kontrak perolehan telah tamat.	PDRM tidak mendapat bekalan senjata yang sepatutnya untuk melaksanakan tugas dan operasi.	Mengambil tindakan berdasarkan perundangan terhadap syarikat.
4.	Senjata api milik awam yang disimpan melebihi tempoh antara 1 hingga 48 tahun di IPD PDRM tidak dilupuskan.	Risiko keselamatan penyimpanan senjata api kepada PDRM.	Komunikasi dan koordinasi perlu dipertingkatkan dan proses pelupusan secara berkala melibatkan semua IPD perlu dijalankan.